



59648

III

Mag. St. Dr.

kat.komp.

Teol. 5063

Kielchski Martini: Rosa punicea in vere de-
cripta.

Biblioteka Jagiellońska



stdr0001646

4
R O S A
P V N I C E A



IN VERE DECERPTA

S E P

ODOR VITÆ

DIVI ADALBERTI

DE DOMO ROSARVM

COMITVM & LVBLICZ,

ARCHIEPISCOPI GNESNENSIS.


In Oratorio Pietatis Academicæ,

P E R

M. MARTINVM KIELENSKI, Philosophiæ
Doctorem & Professore.

Primo Vere effusus.

ANNO DOMINI, M.DC.L. Die Septima
Kalendis Maij.



G R A C O V I Æ,

Typis Martini Filipowski, Anno Domini, Millesimo, Sexcentesimo,
Quinquagesimo.

CASTIS CINGO CRINES ROSIS

FLORET ODORATIS.

TERRA POLONA ROSIS



Procyt ex alto, virgo spectabilis ore,
 In niueas placide, lumen vtrumq; ROSAS.
 Dum sacra vernat, ADALBERTI ROSA Præsulis horto,
 Tres ROZRAZOVIO, flore legitq; ROSAS.
 Virtutum, pietatis ager; si fragrat amænus.
 Munificumq; genus si viret, Hybla domus.
 Gloria virgo decens, fragrante superbiat horto,
 Fama quæ in primo, plantat odore ROSAS.

Pr: Tiburtius Kielenski Profess. & Custos
 M. Clara Tumba S. Ord: Cist:

Stirps ROZRAZOVIO, generosa virescit in horto,
 Simplice fert ternas, germine namq; ROSAS.
 Suaue ROSIS neget, mox pristina gloria fertum,
 Circumeat placide vt, tempora frontis odor,
 Flos pietatis, Honoris, Amoris, crescet in æuum,
 Magnanimi hunc quoniam, Nominis humor alit
 Nobilium vernabit aprico Flore ROSARVM,
 Sol vt amænabit, stirpis odore ROSAS.

Pr: Bartholomæus Legenza Slupens. Profess.
 & Cantor M. C. T.

ILLVSTRISSIMO ET MAGNIFICO
DOMINO,
D. IACOB O
HIERONYMO
COMITI IN ROZRAZEW
ROZRAZEWSKI
Castellano Calissiensis, Coninensis,
Colensisq; &c. &c.
CAPITANE O.

Domino meo Clementissimo



Eslorescentis Veris primitias, non aliunde licuit auspiciari, quam à Principe Florum ROSA, in donum magnis nata Heroibus, Tibi nativa Comes Illustrissime. Diuinum hoc munus, nec minus Regium ita noris; Et cælo forsan missum, atque sic terre usurpatum, sapientissimus vatum meminit Anacreontes:

Si floribus vellet
Iupiter imponere Regnum,
Excellit ROSA flores.
Est Veri ROSA curæ.
Et gratæ sunt Superis ROSÆ.

Accedit huc naturæ congrua vis, ut ij quos nonnunquam lancinant curarum tempora, suaui ter odoribus illius ab omni torpore frequentissimè releuentur. Et profectò Comes Illustrissime non Te fallant, qui sub prætextu auferitatis, ut omnium nitorè, ita Et florum ad varios nauscant aspectus: nec illi laxius obstrepent naribus, ad amenos ROSARVM fasciculos, quibus leta pietas crimen est, scelus est, imò fucus politiei. Profanum hominum genus, Et male feriatorum animus, tam speciosos florum fastidire odores, Et arcere ab hortorum Orgijs arcanisque generosos Heroum animos; ubi quiescant leti, ubi viuant affabiles; vnde animentur

lassi, audeat? Atque verò ne hæc ita à me dici videantur: habent auctori-
tatis multa elogia: usurpantur & à magnis: & ut multos præteream, fuit
hæc Principum gloria non vulgaris, sepositis curarum tractibus, & mole
negotiorum suppressâ, hortorum se spatijs sepibusque includere. Fuit
laudis, quia laboris; Ducales disponendis hortorum areolis admouere ma-
nus. Quid quod Masinissa celebrem cultum Africa mirante floribus de-
ditauit? Semiramis pensiles flores & aërios fabricasse fertur? Diocle-
tianus lactucas, & olera ad Salonam, purpureæ & omnibus Regijs sceptris
prætulerit? Lucullus post Asiaticas victorias, atq; Sulla abiectâ Di-
ctaturâ, reliquos ætatis annos, ad hortorum flores continuauere? Non
probrum est, tantum vitæ conuiuendum & sensibus aliquid esse tribuendum,
ut uiuant vegeti, non ut languescant otiosi. Nec hæc illis obsuit cura, quo-
rum animos, vltima vsque Thraciæ; Indorum & Græciæ inuolare, ac di-
scurrere hortorum permisit septa? Ecquis credat? Etiam minimum
sementum bulbuli, plurimos ad sui pretium traxit sumptus. Campaniæ
fertiles, qui inuiserent agros, erant; & quod maximum est, si consona factio
essent, vltra Alcinoi, & Adonidis, quos finxit antiquitas exirent hortos,
modo satiarent aspectu oculos. Facebant hi ab instituto meo, nec cum ho-
rum volito otijs. Domi est, quod Deorum gratum munus est: & quod Te
ipsum merito concernit, imo Tuam Augustam Comes Illustrissime Fami-
liam. En Sarmatici præ Tuis foribus horti: atque dum Purpureas
ROSAS humus effert vere comanti, en ego, quam in vita Magni Præ-
sulis & Martyris, DIVI AD ALBERTI Rosarum Vestra-
rum Præsidis decerpsi, offero hanc eandem Rosam. Mnemoris Ar-
taxerxi pomum medio obtulerat autumnus: ego primo vere, Punicam
Tuis appono Comes Illustrissime manibus. Qui enim non letam? Pla-
né ita est: Nihil esse ROSIS amenius, nihil pulchrius, nihil dignius.
Nam si Comes Illustrissime spectaueris flores, odore turgent ut recreeris.
Si nitorem, virent, ut faueas; si folia, ampla, ut vix comprehendas; etiam
illud Comes Illustrissime non vides, quod tam clarum est? Non Te vn-
quam angi posse & timere, quid Celtæ, quid Celtiberi moliantur? Quis
Patriæ nostræ ab hostibus imminet terror? quis Regni sceptris inuideat?
Asiæ Tyrannus ferro nobis, an igne minetur? aut denique num Thanais
aut Borysthenis rapidos equorū vngulis, ad prælia hinnians obruat fluctus?

quid sub Arcto

Rex gelidæ mediretur oræ?

Etiam

Etiam post hyemem virescunt Rosæ, nec citò ad insuaues turbines, rigidasque ventorum luctas marcent. Virent illæ, & ita quidem, ut & inuitis odorem spirent. Rosæ Tuae florent, & ita certè ut vngant, an ut pungant? Ita rubent, ut alliciant, an ut terreant? Sic sanè Comes Illustrissime Generosa in ortus semina exurgunt suos. Florent ut Ecclesiæ suauissimum spirent odorem Virent ut vngant doctrinâ, consilio, fortitudine, Patriæ pectora; ut pungant hostium truculentiam. Rubent; ut alliciant Superum ad se animos, Civium gloriam, utque terreant cruentos impietatis hostes. Ecquis enim non videt? quàm latè Rosarum istarum diminarit odor? quæ perennarit gloria? quæ triumpharit fortitudo. Mille Centum & Sexaginta Anni, ex quo Illustrēs Tuae Rosæ è sanguine Regum Croatiae natæ, ac in Principum solijs educatæ, Bohemiam, Silesiam, Poloniam odore genuino fecundarunt. Nempe citra odium dicam: Sterilem olim & incultum Poloniae statum fuisse, nisi Vestra Rosæ insererentur, & demùm legibus, armis, pace, religione, gloriâ decoræ, æternum seris inspicendæ sæculis proponerentur; dum quasi è Deucalione & Pyrrha Illustrissima COMITVM à ROZR AZEW propago, per lineam sanguinis ad Principes, Duces, Barones, descenderit. Ne verò in re manifesta ambigam retexam seriem; Extat diploma antiquissimum sub Boleslao Poloniae Duce, circa Annum M CC. LXX. in Dulsko literis exaratum: quod à tempore Lechi per Bosnonem COMITEM à ROZR AZEW; (qui de Bosnoniæ Regno, quod ipsi in sortem cesserat, cum Cecho, & alijs Lechiæ primis Satrapis huc deuenerat) hanc Familiam originem traxisse, ac effloruisse memorat. Filius Bosnonis Suantomirus, Comes de Rozrazew, Gowarczew, & Ponsdorff, Vir magnæ dexteritatis, & nullâ sæculorum gloria comparandus; ex quo nimirum ampla incrementa Poloniae Regno, Ecclesiæ decora, & promanarint, & omnem Patriam illustrarint. Quid reticeam Stanislaum Comitem, Castellanum Rogożinensem, alterum Poloniae Achillem, qui quatuor filios quasi quatuor fulcra Reipubl. nostræ reliquit? Et horum quidem vnus Hieronymus Episcopus Vladislauien. sub Stephano, Henricò, Sigismundo, Serenissimis Regibus, ad diuersos Principes in grauissimis Reipubl. negotijs tractandis, legationes magnâ dexteritate, & maturâ prudentiâ expedit; mira celeritate confecit. Sed heu tristes querimur, quod nos amisisse dolemus: quam arctus fati tenor, estne quod illi non liceat? Dum magnæ sanctiatis Vir Romæ ad Annum Iubilæi commoratur, post decessum

Zbignei Cardinalis Purpuratorum Patrum à Clemēte 8. Pontifice Ma-
ximo adscribendus, febris malignā, praeuentus, non sine maximo dolore ipsius
summi Pontificis, (quem aliquoties decumbentem inuiserat) moritur.
Alter Stanislaus Comes, amplis facultatum & praeminentiarum spretis
titulis, PP. Societatis Jesu sese addixit Religioni; vterque aeternum
pietatis Mnemosynon, in Patrio Oppido Rozrażeńie, Ecclesiam sum-
ptu Magnifico, & liberali censu annuatim assignato; extruxere. Porro
Vladislaus Comes, Galliarum Reginae Praefectus Curiae, cum summa lau-
de in exteris floruit nationibus. Vltimus Christophorus Vir bellonatus,
Patriae amantissimus, dum ad oppugnationem Zauolociae in Expeditione
Moschouitica, strenuus decertaret, murosque propugnaret constantissime,
glande traiectus interijt. Quid ille Patruelis istorum, Comes Joannes in
Nowe-Miasto, sanctitatis gloria celebris, qui hereditario contentus pro-
uentu, sufficere voluit omnium egestati. Loquuntur huius memoriam libe-
ralissime in pauperes erogatae elemosynae, multae Collegiorum, Monaste-
riorum, Ecclesiarum, moles ac fastigia, tantum sibi dedisse quantum pie-
tati debuisse, cum sera posteritatis memoria perhibebunt. Quippe Colle-
gium Lubranscianum, Academiae Posnaniensis, iam vetustate collapsum,
auitā Patrum pietate, quae semper vnanimis in literatos & literatorum re-
ceptacula vixit, motus: nouiter e ductis de coctililatre parietibus, pri-
stinae restituit elegantiae, Professoribus census assignauit, ordinauit, am-
pliauit. Quid alios? Stanislaum Posnaniensem, Jaroslaum Mie-
dziricensem Castellanos: alterum Stanislaum Lanciciensem Capitaneum,
& Vladislaum: Viros quā sago, quā Togā celebres, fortitudine illustres,
prudentiā magnanimos, liberalitate generosos enumerem? Adest Illu-
strissimus Comes JOANNES Capitaneus Odolanouiensis, Incisor
Dapum S. R. M. Pater Tuus COMES ILLVSTRISSE,
qui totus in obsequijs & amore Reipubl. aliquot expeditionibus, nedum
numerosas militum copias, ad ciuium salutem tutandam deduxit in aciem:
at sese ipsum, cum multo discrimine propriae vitae fortissime opposuit. In-
ussit hic Tuo pectori Comes Illustrissime Heroicam virtutem, non nisi ad
rigidos strepitus armorum virere posse: addidit gloriam verè augustam:
comparauit pietatem certè gloriosam, & nisi Pater Tibi esset, auctor cer-
tè & imitator rectè factorum. Et sanè non sefellit hunc matura etiam post
sua fata spes; qui viuas in vobis generositatis, & Heroici animi reliquit
species. Quid aliter? Documento est, aeterna illa fortitudinis gloria, nullis
opprimen-

opprimenda inuidie technis, nunquam conticescenda generositas in Fratre
 Tuo Illustrissimo **CHRISTOPHORO ALEXANDRO**
 Comite, qui post attentatos hostium insultus in Gallia ad Attrebatum, dul-
 ce sibi mori præ cæteris extra Patrium arbitratus Regnum. Ita quan-
 quam laureatis viris, atram fortuna nonnunquam præ foribus inducat ve-
 stem: addit etiam æterna, nec tamen obscurat virtutum elogia. Docuit
 vnus, quantum vis generosa in animis vestris valeret: nec inutilem futuram
 iri in Patrio solo demonstrauit fortitudinem, dum quantum amor, & egre-
 gia virtutum indoles, etiam in exteris posset præsidij, indicauit. Porro
 Tua Illustrissime Heroica facta, annè ipsa pro se loquuntur? Est semper
 virtuti locus, nec quisquam nisi inuidus ad eius cæcutit aspectus. Sunt et
 præmia, quæ immarcescibiles sequacibus promittunt adoreas. Sola vir-
 tus lucida, sola conspicua (vt Symmachi vtar verbis) auersatur auxilia
 commendationis alienæ. Reducem Te, & sospitem Patria Tua, ex exte-
 rarum gentium Regnis salutauit, sed quid in Te non mirata? Morum
 grauitatem, iudicij dexteritatem, experientiam rerum, scientiam varia-
 rum linguarum, illam comitate, hanc ingenij præstantiâ, aliam multimodâ
 solertiâ, istam præclarâ indole verè magnam, verè heroicam, verè glori-
 osam asseruit probauitque. Poposcit aliquid Respublica nostra? an au-
 xilia? an consilium. Ad vtrumque facilis, in vtroque Magnus Filius &
 vindex Patriæ. Quid quod gliscente hac periculorum mole, & iam iam
 imminentibus hostium iaculis, quominus auxiliares copias equitum, pedi-
 tumque conscriberes, in Castra deduceres, Patriam ab interitu vindica-
 res, minimè sumptuum magnitudini parcens, affuisti. Et hæc quidem
 sunt, magna in Patriam merita, magnis præuia honorum subsellijs; nec
 tamen idcirco huc à me afferuntur, vt aliquod vanum per me virtuti Tuae
 adstruatur elogium. Fateor mihi tantum negotij non sumpsisse, nec ita
 contendisse, vt de meo calamo Tuae aliquid affunderem gloriæ. Face-
 rem enim insanè, si de triuijs scholæ magnis canenda viris, ad Tuarum
 laudum assurgerem encomia: præterea etiam me tacente, qui tantillus
 sum, altos semper Tua magnanimitas **COMES ILLUSTRIS-**
SIME assumet spiritus, & perennitates. Id saltem exoptasse, vt
 Illustrissimum hoc Familie Vestre pignus, & nobis optatissimum delici-
 um tenellus Ioannes Comes, tanquam è speculo, cum annorum largis-
 simo incremento, omnem ex Te Comes Illustrissime dexteritatem ita

*hauriat, speculeturque, ut decori domus Vestra Illustrissima, Reipublicæ commodo, Ecclesiæ solatio, subditorum affabilitati existat, excre-
scatque. Tu porro Comes Illustrissime habe hoc indicium pietatis meæ,
in Vestram Illustrissimam Familiam debitæ, ROSAM Rosarum
Comes benignè fove, accepta, lege, tene, complectere. Vale, & felix
æternum viue. Datum Cracoviæ, è Museo meo, Die quartâ Maij,
Anno à Partu Virgineo, M.DC. L.*

Illustrissimæ Celsitudinis Tuæ,


æternum deuotus,


M. MARTINVS KIELENSKI,
Philosophiæ in Acad. Crac.
Doctor & Professor.



ROSA PVNICEA



Aximè vellem A. A. vt in tanta rerum præstantia, cum  transactas rigorum hybernalium tempestates, sole sub rediuiuâ lucē coruscante, vniuersus orbis, in festiuos hilaritatis proruens applausus, nouam spirat veris amœnitatem, astris ipsis concedentibus mihi contigisse: non quòd stultè Midas imprecatum habuit, vt omnia quæ sensibus vsurparem meis, auro omnia fulgerent; nec quòd impudenter Cleanthes, vt singula quæ oculis intuerer, clarissimo affulgeant astro; nec quòd ambitiosè Epicurus, vt mihi mortalium obnoxio agitationibus, supernarum mentium voluptates impartirentur; sed vt Oratio mea tantum haberet energix, quâ in aures vestras suauiter influerem; & vultus tantum latentis vis, quâ vestris pectoribus, lætissimam suffunderem auram; & animus tantum Diuini spiritus, quò vestras mihi mentes, ad Magni Rosarum Principis, *D. Adalberti, Martyris & Apostoli Prussiae*, explicandam vitam, arctissima constringerem beneuolentia. Nimirum, quæ sit hominum præsentis æui affectio & indoles, quam Augusta loci istius sacrosancti, & Auditorum Maiestas, quanta rei istius exprimendæ celebritas, non solum experior, sed planè video, ac perspicio. Ecquis enim non sentiat? cui liberius animus non efflorescat? mens non releuetur? cum omnia ad nouam redacta Metamorphosim, non amplius algida hyems, mollia infestat hominum corpora: non auster, desæuiunt turbines, ac ventilationes, non rigidi Martis, vltra grassantur, cruenta spicula: sed vno omnia feruntur spiritu, & vno feruent colore, omnia vnanimem conciunt mentem, patatâ quiescunt omnia. Ac nè hoc ita à me dici leuiter arbitremini: liceat vnicuiq; vestrum, acrius oculorum quaquàuersum obtutum diuertere: videbit certè, quâ

sol auro similior reniteat purius, comitem lucis irradians lunam,
quàm illibatì stellarum chori, clarius enitescunt. Terra vegetos
parturiens frutices, virescentem recreat mundum. Fluctus lit-
toribus cõciliantur, soli nubes, aeri venti, terra plantis, plantæ ocu-
lis. Nunc fontes manant liquidius, & hybernis compagibus ex-
pediti, per campos, & prata, alluvis laxatis diffluunt: ac cuncta
suis luxuriantur, & aguntur motibus: turgent gemmis arbores,
detonsi nitent herbarum horti, verbo complectar, quidquid spe-
ctaueris, fluere balsama,  sepliam, duras ilices roscida sudare
mella, strepere dulces auium garritus, hominem solum, qui ad ver-
nos respiret flores, excitant ac inuitant. Profectò multa esse tem-
pori danda, & ætati multa, vt non quisq; ibit inficias, ita facile af-
firmabit. Cum enim sit vis magna naturæ, magna similitudo,
& multa communio elementorum, fit, vt hæc sibi inuicem tam
concinna sint, quàm necessaria. Porro & sensus hominum, nisi
conformibus exsatiarentur rebus, seruiam & ego temporì, atq; dum
lætos vobis exhibet cælum aspectus, primos fructus veris, Rosam
nimirum, seu odorem vitæ D. ADALBERTI, sensibus ve-
stris præsentabo. Et verò cum nihil esse venale nouerim, nisi
ad hastam, præconiūq; voluptatis expositum, nisi aliquo tin-
ctum lepore, & illecebra suauitatis delinitum fuerit. Impatien-
ter etiam limata hominum iudicia ferunt, quamuis fluxum, &
multà distinctum arte, quidpiam proferatur: nisi venustà oris sua-
uitate decorum, & latis colorum auxiliis magnum, ingenio
acutum subolfaciant. Libens lubensue, hæc ego ipsa vt pote
aptiora, & sanum encomium non abhorrentia, ad Rosæ meæ
trophæa adhibebo. Dabo distinctum varietate florem, nitorem
& colores virtutum D. Præfulis ponam. Vosmetipsi odorem
floris præsentietis, si vna mecum, pergenti ad finem spiritui, lætos
& modestos animos paraueritis.

Tu ô Præsul Sanctissime. Qui quasi flos ROSARVM in
diebus vernis exortus, Cælestem Paradisum, odore tuo recreasti:
patiare Polono, de tuis modestissimè disserenti laudibus, auxilia-
rem è Polorum arcanis immitti spiritum; atq; ita fluctuantem lin-
guam meam, per cælestis Tux gloriæ præcipitia, & altitudines
oberrantem, ad certissimam Diuinæ virtutis Cynosuram, Heli-
temq;

cemq; conforma, vt quod voluntati meæ deesse poterit, hoc idem pietati in diuinissima tua facta, deesse non arbitreris.

Prisca illa hominum sæcula, cum omnia ad Póetarum, veluti quod dam legum gnomon, reuocarent Oracula; nihil se amplius verè habuisse, ac firmum intellexisse rati, nisi quod illorum solertia, ingeniosius cōfinxisset, hoc in vulgus, nutantis fidei aucupium spargerent: **R O S A M** prognatam fuisse, è Nymphæ cuiusdam nobilioris speciei, quæ quidem, manè candida, meridiè rubicunda, de vespere viridis cernebatur, asseruerunt. Ethi quidem, cum omnia offutjjs, & nugis plena conciperent deliria: etiam hoc ipsum, non tam verè, quàm conformiter, non tam rectè quàm affabrè, figmè, tum ediderunt. Cedo ego istorum ingenijs multa, quos pleriq; Numen Diuinum habuisse, & Phæbo digna locutos faciunt: illam etiam ipsam dignitatis, quod soli, vel firmiùs Vulcano cuderent, vel subtilius Praxitelle sculperent, vel gloriosius Lisypso, humana ingenia defingerent, concedo lauream. **R O S A M** porrò meam, quam vobis præsentandam duxi, trinâ hac qualitate vicissim succedente, & flore decoram, quidnî ita? vt cū omnia examussi quadrent? ac quasi natiuo aptissimè consonent cortice, asseram? quidnî, de tam alta radice, conformiter sua folia, in mundi totius distendisse oras ostendam? Annè hæc ipsa, gloriosi corporis eius, in eo veluti à Zeuxe, subtilius depicta lineamenta, tam clarè vt omnes probent, tam certa vt omnes videant, tam iucunda vt totus affectet suspiciatq; orbis apparuere? Quippe Sanctissimus Præsul **A D A L B E R T V S**, quod multorum finis & origo gloriæ est: stirpstàm ipse, gloriosa Parentibus extiterat, quàm Parentes eius quidquam, vel cælo dignius, vel terræ illustrius, & nomini suo gloriosius, poterant exoptasse. Patre Slaunico, & Strezyslaua Matre Comitibus, vtriscq; apud sæculum magnis, vtriscq; Cæsarum sanguine proximis, vtriscq; ducalibus, & heroicis fascibus insigniter nobilibus, clarisue Parentibus ortus: tum demum, affectatam eorum exæquauit gloriam, cū quasi distorta totius mundi face, & veræ fidei sole, in Ecclipsim vergente: hinc liuida hæreseon monstra, piorum pestifera animis, tristes nebulas veritati conciebant, ac euomebant: illinc ataxia, & varietas temporum, nunc hos, nunc illos, imperandi auidos, multiplicibus bel-

lorum incitabat, petebatq; gladijs: demùm toto orbe, quasi in la-
gubrem Catastrophē, & feralem exitum inclinante; Sol uni-
cæ virtutis, Sclauorum decus, Comitum a Lublicz splendor, Bo-
hemiz flos, auitæ religionis vindex, verius dicam, locustarū R O-
SA enecans cunctos malignantium halitus, & obscænitates, exo-
riens orbem vniuersum, natali suo, collusit. Viderant tur-
batissima illa hominum tempora, iucundam inter sentes, vepres-
que altè exoriri ROSAM; sed vix viderant, illicò languere viri-
bus: emori corpore, animo hebescere, artubus stupere, ob vltra
ætatem ingruentes morbos, præsenferant. Mæsti hinc Parentes,
iam illum vernantis ROSÆ candorem, de manè ad vesperam
tetendisse, & luculētissimum Solis radium, atro quasi offundi, præ-
noscentes languore, in hac iniqua rerum, & mæroris lance, consi-
lij prorsus non inexpertes, à Deo sibi subleuandum, & refocillan-
dum existimârunt. Scilicet, vim quandam naturæ passibus, va-
lidiùs illatam videntes, ad Auctorem ipsam, quo melius Rosæ fæ-
cundaretur vigor, non in scj Diuinæ virtutis, & medellæ appella-
uere. Stetit votum in facto, nec irrita Parentum, cessere suspiria;
namq; quam infirmam & emorientem deplorârunt, subito ad Diuæ
Matris, & Virginis Iconem delatam, nouā & mirificā donatam
vitā, resumpsere prolem. O miram & gloriosam cælestis Impe-
ratricis, etiam in infantulis laudem! Cessit hic tenellus puer, æter-
nūm Sanctissimæ Virgini addictus, auroram vitæ suæ veneratus;
imò totus amore eius feruens, in obsequium Diuinæ voluntatis ces-
sit; quippe quem rediuuium, mundo exhibuerat Cælorum Re-
gina, mancipatum iure suo resumpsit cultorem. Enimuerò, de-
gignat, debuerat, tetram illam hæreseon calliginem, iam iam vasto
hiatu, & morfu venenato, nedum domesticos, at vicina quæque
& obuia, turpissime deglutientem imperia, quispiam cultior disci-
plinis, & morum probitate decorus, tanquam verioris doctrinæ,
sano discussisse argumento. Debuerat certe, sed hæc absq; scien-
tiarum lima & modo, fieri non poterant. Planè ita factum; Pa-
rentes eius, in omnem Euangelicæ puritatis profusi, & faciles reli-
gionem, hoc vnum præmeditatis consiljs, ratum acceptauere re-
medium. Iuuenem altioribus annis succrescentem, humaniorum
litera-

literarum studijs excolendum, censuerunt. Nefas quippè iudica-
uerunt, vt quorum gloria, superiora scanderet per gentis claritudi-
nem subsellia, deformes in tam subtili, & pulchro nobilitatis cor-
pore, subsilijisse scientiarum ignorantias; quin imò, nobilem solum
& generosum, qui simul disciplinis, ac generis præstantiâ, vitæq;
probitate, floreret conspicuus. Erat illâ ætate, vt è multis rarus,
ita facile omnium gloriâ percelebris, & sanctitate venerandus
ADALBERTVS Episcopus Magdeburgensis; cui commissus, &
in tantum ab eo adamatus, vt pro nomine eius natiuo Woytechus
nomen Adalberti mutârit. Quid multa? Accessit hinc breui, &
exarsit Nobilissimi Iuuenis, in scientias studium: exarsit solers in-
dustria, atq; adeò excellens vultus, oris, totiusque corporis physio-
gnomia, impensè scientijs impallescebat, vt nullum tempus, quin
hoc ipsum deditum sit excolendo ingenio, lectioni diuinæ euoluē-
dæ, librorum mirâ styli suauitate, & verborum grauitate sacrorum:
nulla dies, imò nec hora, quâ non aliquid promptius addisceret, so-
lertius recitaret, facilius quæq; abstrusiora non enuclearet, abiue-
rit. Non illius teneram indolem, nouiter ad scholas acciti, & de
fæce hæreticorum nati, obstrepentes piorum auribus polituli, ob-
scænitæ fædi, fastu impudentes, vitâ inglorij, animo elati, & in
omnem lasciuiam prostituti, ac luxum ebullientes turpissimi potius
Gnathones, & Balliones, quàm ludi Magistri habendi, vel mini-
mum retardârunt. Vanos hos censuit ludiones, & ab eorum lon-
gissimè abscessit figmentis, Patrum firmissimis inhærens vestigijs,
illorum sententias & doctrinam, tanquam quasdam metas, & sæ-
pta vitæ Christianæ præfixa, sequendas, complectendasq; voluit.
Stultos etiam; nisi verâ polleant sapientiâ, quæ certè, attingens à
fine ad finem, omnia disponit suauiter, & ordinat comiter; vtque
hinc *Diodescorides* meruerit vocitari. Florebat Patriæ candidus ille
Iuuenis; quia Rosa erat. Vernabat virtutum iucunditatem; pro-
totypon pietatis, & religionis vbertas certè maxima. Ecclesiam
orthodoxam illis sementis rectè factorum fæcundauit; quia plus-
quàm Persianæ nutricis Alumnus, quidquid calcauerat, hoc ve-
rè Rosa, hoc verè odor haberi, videri, poterat, debuerat. Quam-
obrem Patria desideratum Ciuem, Ecclesia robustum vindicem,
eundem fuisse agnoscens, a croama illud cælestis sapientiæ, de ipso

occinuerit: *Ecce odor filij mei, sicut odor agri pleni, cui benedixit Dominus.* Ecquid mirum? Solus prodigium literarum, solus præconium gloriæ, solus hoplothea, & armamentarium virtutis habebatur. Ad quem ita homines visendum, vel solâ nominis eius claritate acciti vndiq; accurrerent: ita eius fama, celebriter in vniuersas Orbis partes sese diffunderet, vt factorum eius magnitudo, nedum terram, ac ferè cælum ipsum, perstringere videretur. Huius ita gloria, eximiè prominebat, vt omnibus gratus, omnibus acceptus, verecundus omnibus, ac modestus, nemini non affabilis, illâ ipsâ virtute redderetur. Premebat moras annorum, antegressa virtus; & cum in eo omnes certassent virtutes, omnes etiam insimul deuincebant, omnes triumphabant. Creuit hæc tenella ætas, ad laborum maturos fructus, vanæ laudis syrtibus non læsa: gentis claritudinem, quâ quid poterat esse illustrius? Parentum opulenta æraria, quibus quid erat pretiosius? & totum illud blandientis mundi choragium, quod pulchritudinem mentiri solet, scenam pretiosam vanitatis, & quasi quædam fanaticorum deliria, à quibus conualescere, & in sanam virtutum regredi officinam, nedum arduum, quàm probrosum esse putauit, iudicauit. Solo Dei amore accensus, nihil prorsus habens, quod eum à gloriosis vitæ reuocet stimulis, nihil quod celerrimos virtutum retardet conatus: Nempè humana ista, cum nisi iactationes continuæ, & fluctus sint, in quibus nihil solidi, & certi visitur; nisi ad anchoram veræ pietatis alligata, consistere queunt. O plenum generosæ animæ pectus, ita flammis istis vri, nec tamen in fauillam reduci; istis blandimentis, vndiq; non secus ac satellitibus esse stipatum, nec tamen cupiditatum, quas ætas illa sufferre poterat, telis conuinci? ô verè dignos tanto Iuene fructus, non luxuriantes ad vitiorum copiam, sed sese vegetâ virtute effundentes ad gloriam? Laudandus animus, quem non fortunæ indulgentiæ molliant, non copiarum principales ad segnitiei luxumq; detorqueant? Ibit per efflorescentes posteritatis fascies, nullis vnquam obruenda rigoribus, illustris hæc pietatis ROSA. Triumphabit hic Athleta gloriosissimus non cum Hectore, aut Diomede deuictâ Græciâ, non cum Hercule, septicipite prostratâ belluâ, non cum Iulio, mille cæsis hostibus: at cum cælestium mentium legionibus, mundo, carne, dæmone, superatis, triumphum

triumphabit. Lucebit per omnes seculorum defixa perennitatēs,
Regibus sordida, Tyrannis infamis, cælo demiranda, Deo pretio-
sa, paupertatis, modestiæ, continentæ, pudicitæ vera, ac genuina
Idæa lucebit. Equidem ingruebant illa monstra voluptatum ca-
teruatim, in D. Adolescentem, iam iam de ipso triumphum actu-
ra, ac brabeum erectura: & cum nihil fermè quisquā præclarè agit,
cui mox veterator ille, improbitatem multo delinitam colore, ta-
citè non insinuet: nec ita felices, & ex omni parte beatos, nouerit
quisquam etiam (vt ita dicam) Diuis ipsis simillimos, quibus non
mox truces, ac inuidæ Erebi, subsannent furia. Nihil certè tam
præclarè, ac laudabiliter factum, quin spinæ peruersæ alicuius inten-
tionis, illud non pungant, & non pulchrum quodq; lancinent; illud
saltem integræ virtutis specimen est, si boni rectiq; etiam in malo
uiuimus æuo. Et quanquam, in vita humana, æthereæ illius partis
aliquid emicat fortasse: sed non sine adiunctâ sibi fæce. Ita caligo,
in obtutum Diuinæ virtutis, irretortis animis ferri nequit; error re-
ctitudinem offuscat; voluntas aliquid leuitatis iudicio annectit, de-
mum cum hæc nobis videntur, aut certè sunt agnata: nihil est tam
eximium, etiam ab homine eximio, quod aliquando non titubet, si
certè non corruat. Intonuit fragoso lænocinio mundus, vt concu-
teret herbidum illud, luuenis sancti studium. Præsentauit fastum,
ac pompam; Maiorum ostentauit amplas, & fumosas imagines;
ac in tantum illis ludicris, in eum infremuit, vt parum abfuit, quin
hunc quoq; denigratum, suis non intruderet voraginibus. Sed non
vnquam, candor ille ROSÆ arefcere potuit, qui sic molliter flan-
tibus Diuinæ clementiæ zephyris, vltimâ Thulen, odore suo iuerat
peruncturus. Non aliquando, vehemens illa, & omnia virtute sua
adurens fax, in salebrosas vitiorum vndas impacta mergi, & offun-
di debuit; quæ sic præuio veritatis sole, spargebat cælo lucem. Au-
ditè verò casum. Quid exhorrescis lingua? Dic vltrà! Itanè hæc
hominum vita!

O curas hominum! ô quantum est in rebus inane!

Equidem citiùs ipse sperarem, in Cretæ Labiryntho exitum. In
Gordij plaustro lorisq; caput In Cymmerijs tenebris lucem. In Scyl-
læ, aut Charybdis æstu tranquillitatem: tutiusq; ad Thermopylarū
anfractus quiescerem, quam ad istius mundi periculorum viuerem

phalanges. Deus bone, quæ tenebræ! quot pericula! quis interitus, aut vbi gentium sumus! Infelix ille Pragensis Urbis Antistes, quem ignominie causa nomino Drythmarus, ô casum magnæ fortunæ tristem, & vtinam magnis euitabilem! insolentius victitans, inter media voluptatum puluina, protinus Diuinæ ultionis concutitur iudicio: inter solutos corporis lusus, miserrimè illuditur, damnatur, & inferorum gehennæ, æternum cremandus obijcitur. Speculator Tragicæ istius scenæ, aderat ADALBERTVS Iuuenis: & quid tum fluctuans aggreditur? quos renouandæ vitæ arripit modos? quam sectatur obtinendæ salutis normam? Somno quasi Syrenum illenitus, tandem nefando percitus proscenij plectro, in liberio rem perfractis mundi istius, quasi alterius Circes tendiculis, euolat auram; ita factum, virtus alta obscurè latuisse nescia, mittit sui signa, & quem marcorem licentiosa paulullum, in florem attraxerat vita, hunc longè clariori fecundauit pietatis alimento. Extrusit illos serpentes vitiorum surculos; ne scilicet, ex quibus ille obscuræ memoriæ Antistes Pragensium, pestem omnino hausit, in se quoque pernitiei causam agnosceret. Prostrauit illos Dracones blandimentorum, Cerastras venenatissimos, qui etiam de longinquo spiritum absorbent: honorum alites, æris huius sagittas esse, quæ vsque ad cælum scelestes eiaculantur effectus, deprehendit, imò deuicit; successor dignitatis non successor vitæ. Atque equidem, anne hic Auditor non stupefces? Eo ipso tempore, & eâ ætatè, quâ iuuenes, calcato virtutis sedere præferoces, per medias voluptates indomitis præmonitionibus, veluti quadrigis inuehantur: is vt vitam summarum virtutum præsidij, contra vim efferuescentis cupiditatibus adolescentiæ muniret, non se illis, quibus vti, & abuti, pro licentia poterat delicijs addixit: sed totus amor Diuino immersus, in vita veluti Angelus, non homo putabatur. Iuuenis ille, nec dum depositâ primæ lanuginis prætextâ, iam virilem togam, & seniles maturosque spiritus sumere: iam à lusibus, & faceta dicacitate ad cilicia, à petulantia & consortijs procacium, ad solitudines: à voluptate & fatalibus mundi tendiculis abhorre, ieiunare: iam posthabitis leuitatum otij totum se mundo abdicare, & modo offusas animi nubes, in copiosos lachrymarum imbres soluere, modo Magnæ Parentis, & Di-

uorum

uorum Patrocinia, ad placandam sibi præmaturè iusti Iudicis Ma-
iestatem, requirere: modo succrescentem vitiorum fætum, doloris,
atque odij pari iaculo perimere: nunc feruentius in Deum ipsum,
sensus suos dirigere, ac collimare cæpit. Ingreditur ergo Cathe-
dram electus Episcopus Pragensis sed qualiter? Vili infidens equo,
veste mendicâ, ac Centonibus nescio quibus deformatâ tectus.
Sic quondam Vlysses Græcorum fortissimus, quo Palladium aufer-
ret Troiæ, mendicitatis præsetulit speciem. Sic Codrus Athe-
nienfium, quo aduersantes hostium deuinceret copias, medijs se
castrorum insimulauit spatijs: sic illi quidem, vt aliquid astu præ-
henderent, & gloriam nanciscerentur memorabilem: Sic Diuus
Præsul, vt aduersas Deo subiugaret humilitate, suorum ciuium in-
uisit mentes, & mænia. Et verò quid miraris Bohemia! Assurge
tandem in occursum tuo Præsuli, & habe aliquid quod ei obijcias?
Assurge & dic arrogantem? O te insanam vt hæc prostituas! en
modestissimus Ecclesiam tibi Pastor tuus reseat. Dic fastuosum;
ô calumniam! scilicet cum duodecem assidens pauperibus, non se
eis conuiuam, at seruitorem exhibuit. Dic splendidum; ô Te cæ-
cam & amentem! Scilicet cum non superuacaneo aulicorum nu-
mero multiplex, non comitatu copiosiori instructus: diues opum
cælestium, diues virtutis, diues & gloriæ, tantum habens humilita-
tis, quantum mansuetudinis, tantum obedientiæ, quantum digni-
tatis, tantum charitatis, quantum patientiæ, tantum Diuini lumi-
nis quantum officij. Vidisses tunc illam Bohemiam, quæ lucen-
tissima fax Catholicæ religionis, à tot sæculorum myriadibus, toti
orbi spectanda imitandaq; arserat, tot virorum, qui Christianum
orbem pijs subleuarent auxilijs, genuinam parentem, nunc in turpẽ
Babylonem commutatam sic degenerauisse, & præcipitem in vi-
tia iuisse; vt ex tam pulchra Gratiarum Dea, ex illo virtutum in-
taminato delubro, Athyn vitiorum plenam, enormitate fartam, lu-
xu deformem, noxas nefandas, pro audacia turpius; lasciuias pro
cæcitate incæstuosius; sacrilegia pro indignitate auidius: demùm
cuncta vitiorum probra, pro impunitate laxius; in omnes incolas
regni deriuasse vidisses. Doluisses illam tam pulchram Bohemiæ
vrbem, & Metropolim opulentissimam Pragam, ad salubres di-
sciplinæ, & monitionum spiritus sic refragantem, ac recalcitran-

tem obstitisse, vt ruptis fermè humanæ, ac diuinæ legis repagulis, nihil nisi portenta scelerum in visceribus suis aluisse, & omnem prorsus pietatem abiēcisse, doluisses. Iam tùm erat Praga vanum Idolorum emporium: iam eò omnes omnium vitiorum colluua, irreptabant: quanquam quid hic primo dicendum est? quid in rebellis accusandum populo? quid deinde Sancto Præsuli, in media strage & gurgite vitiorum faciendum? quid in Ciuibus corruptis reformandum? An quod honorati, & bene nobiles his ineptis assueti insolescant, & vltra modum debacchentur? at hæc omnibus promiscua applausit licentia. An quod sexus vltra ætatem, libidinum effatè torpescant scabie? at ipsæ nulla pudicitie lex, An quod Christiani vltra Dei præcepta, insolenter viuunt? at hæc ab ab ipsis spreta & abiecta. Iacebant illa spectra hominum non homines, luxui, & rapinis dediti, obliti honoris. Putrescebant ætate quicquid prouectiores, vitijis grauissimè, obliti sexus. Scatebant enormibus probris, transgressores Diuinæ legis Christiani, si ita dicendi, obliti professionis, obliti nominis, virtutisquæ obliti scatebant. Nulla pars vrbs, imò nec imperij totius, quæ hæc portentosa non euomeret monstra vacua cernebatur. Nulla domus, imò nec prædium, vbi non cruor innocentis sanguinis scateret, ac in alueos ploflueret. Nulla platea, imò nec locus, vbi non strata corpora, internecionibus defædata; nulla Ecclesia, cuius ostia non effracta, & non violata sint: prorsus quia vna erat scurrilitas omnibus, vna leuitas pueris, senibusvè: simul omnia luxus, potationes, perditiones, rapinæ, incendia, prædationes: omnes pariter pro licentia agebant, ebriabantur, enecabantur, læciuiebant in conuiujs vetuli, ac minorennes, ad viuendum propè imbecilles, ad scelera viuacissimi: verbo dicam, quantum quisquæ viribus valuit, tantum sceleris patrauit. Ac profectò; dubitatis quietine suæ & commodati, quam potius proximorum studio, sic perditis hominum conscientijs, vacauerit? Num verò amore in proximos perferuidus, virtutum opificio nobilis, consiliorum prouisione peracutus, euentorum varietate sagax, gratè verecundus, mitis in sermone, spiritu fælix, ac non minùs vehemens, vbiqûe populorum obsequio accomodatus, irruentibus illis malis, obicem sese non præbuerit? An demùm tam cæci, & necticantes Pragenses fuère,

fuere, ut pernitiem hanc, per ora omnium superbissimè incēden-
tem, non viderint certè; aut tam fatui, ut visam & lædentem a-
nimas eorum, omninò approbarint? Erubescabant profectò illa
senticeta, suprà rosæ suis insertæ visceribus fœcunditatem: ac vix
odorem eius cum ferre possent, odijs in Diuum Præfulem & simul-
tatibus, apertissimè pugnabant. Ingemuit Diuus Antistes, &
vigilans Pastor, ad miserandam illam ciuium suorum pernitiem, &
tamen magis, ac magis succrescente religionis zelo, quo manum
periclitantibus aut porrigeret, aut omninò præcluderet viam, atq̃
eos Deo reconciliaret, mille subire pericula, mille ærumnas pati,
non detractauit, sed affectauit. Omnes in eo quocircà defigit cu-
ras, & cogitationes, ut alios pelliciat, alios inuitet, alios firmet,
& ex faucibus Orci eripiat: quærit in compitis, in carceribus, in xe-
nodochijs: hinc insolentes pacificat, ibi compedibus strictos soluit,
illinc languentes curat, & reficit. Nunc in publica luce, & ci-
uium frequentia concionatur, nunc pagos & disiuncta collustrat
prædia: optimi Pastoris functus munere, ut errantes in Christi ouile
redigat animas, atq̃ à scabie impietatum purget sanetq̃ue, toto
incumbit pectore. Taceo hîc illos lachrymarum vberimè fluen-
tes, dies noctesq̃ continuò exuperantes riuos. Taceo arctam ieiuniorum
obseruantiam. Prætereo vigiliarum insuaues ac rigidas ho-
ras, corporis mortificationes, & quæ ad placandam Diuinæ Ma-
iestatis iram spectare videbantur commemorare, quanquam fas
est, satius tamen veneranda, quam repetenda existimo. Ecquid
enim plura? ô si illam cælestem animam Diuinis intentam vidisses
rebus, quam veloci accurreres animo! quàm alto suspiceres oculo!
quàm copioso offundereris gemitu! vsque adeò vigor ille spiritus
Dei, in eo feruescere non desierat, si quem labantem inopia, fæti-
dum animo, putrem vitijs agnouisset, hunc quasi subitâ accensus
flammâ, in amorem Dei, de turpi illa vitiorum sorde, de probris
& sceleribus in pietatem, de fœtore in odorem vitæ suæ cælestis
inuitabat, pellebat, rapiebat. Non euauit in eo vigor ille Apo-
stolietis; at potius ita reffloruit, ut alterum Eliam pro Domino San-
ctorum, fortissimè contra Iezabel vitiorum obstitisse; contra sex-
centa illa libidinum probra & turpitudines: contra luxuriantium
deformes apparatus, & prostibulorum gynæcea, de carcere euo-

catum iudicasses Ioannem. Obstitit quis insolentior maledictis in Virum Sanctum armatus, temperauit hic hominis insolentiam humilitate: Efferbuit calumniarum aculeis, stetit illæsa conscientia quies: laxum impietatis recruduit virus, illicò Pastoralis disciplina se se firmitus opposuit; atque ita dum illa maleuolentia fluctibus colluies populi æstuaret, & vndiq; factorem rabidum, furens hominum grex, in Diuum Præsulem exhalaret, vndique cauillantium insidias euomeret; dum nihil ampliùs nisi direptiones, & latrocinia exerceret, nisi violentiam in Deum, fanaq; sacrorum, teterima prædonum, non ciuium caterua attentaret, nisi incæstuosam adspirarent vitam, nisi sacrilega Clerus exerceret connubia: ROSÆ hinc odor, latè sua explicans folia, vrticas illas, & carduos virore suo, & nitore vt recreauit, ita superauit. Et quidem non defuit Viro Sanctissimo sanandæ illius vel abscidendæ pestis, siue auctoritatem spectes, quæ magna erat; siue officium, quod sublimè & rigidè obseruabatur censeas; modus. Præsto erant extirpandorum scelerum media & tela quibus portenta ferirentur illa; ad manum disciplina, quò facilius deprauatos eorum animos sanitati restitueret: illi ipsi Diuini aculei oriseius, quasi ROSÆ fasciculo lentè assurgentes, has sceleratorum manus, si vngere, & pun gere poterant. Poterant; nisi plus exemplo doceret, quam verborum persuasione cohiberet. Itaque Magnus ille Præsul, sed tamen non grauis. Dignus & amans Patriæ Ciuis, sed non oppressor. Prudens rerum æstimator, sed non exosus censor: zelosissimus fidei Propugnator, imò & patiens oppugnator. Iudex sagacissimus, sed non rigidus monitor, nec importunus instigator. Castigauit ille quidem, sed non cum gloria, & triumpho; & cum tamen castigauit, vix castigasse videbatur, at potius condoluisse, si quæ in quopiam fragilitas & intemperantia extiterat. Venit mitis ille, & iucundus ROSÆ Flos, in suaueolentem vicinis odorem, suis Ciuibus inuisus venit. En quid audio? Vicit tandem, vesana istorum proteruia, Antistitis Sancti innocentiam; sed ne ita vicit, vt turpius scelestorum succumberet manibus, quàm potius victus non triumpharet. Superauit tandem illorum socordia, agiles laborum Athletæ Sancti Spiritus, cruentas vigiliarum concertationes, sed ne ita superauit; vt ille magis odiosus, quàm non exopta-

exoptatus ab vniuersis affectaretur, exoptareturq; Dynastijs. Clari-
rior quippè, & gloriosior Vir Sanctus deuictus extiterat, quàm si
victor de edomatibus eorum procacitatibus, triumpharet. Ac enim
quemadmodum limpidissimum Solis radium, torpescens tem-
pestatum, & imbrium procellæ, nedùm obfuscare, sed ne tangi
quidem, cum labe minima possunt: at sol innatum etiam post nu-
bilarum gurgites, minimos quosq; orbis angulo illuminans, expli-
cat splendorem, & solito accendit calore: tumq; vires suas acce-
lerantibus noctium lemuribus, non sine multimoda aduersaq; ope-
ratione certius exerit, ac omnia pellit: ita fermè Nitidissimus ille
Sol, **DIUUS ADALBERTVS**, inter tot noctes, & vitio-
rum tenebras densissimas versatus, nec ita Pragenses suos, enormi-
bus pluentes conscientijs obscuros reliquit, vt aliquam meritorum
suorum & virtutum, lucem eis non instillaret: ac Diuinis operi-
bus veluti tædis, & faculis, indurata non collustraret, vel emolle-
sceret hominum pectora. Multa profectò Sanctissimi Præsulis
pectori fax, cælestis pneumatis infixæ, quæ noctes diesque, nouis
ignium succrescens alimentis, suas vbiq; terrarum flammæ ven-
tilabat, tandem nicticoraces, & vespertiones illos, quâ sine vi-
uere, non vitam sibi putarant, inuitos eò vsque adexit, vt breui
lucis tædio victi, quòd tam sanctum dimiserint virum, de eodem
reuocando iniungere consilium. Expediunt itaque suasu Principis
Romam Papatum, & Christianum, qui Diuum reducerent &
sux Cathedræ præficerent Episcopum; vtque de septis Monaste-
rij, ad rursus edomandas peccati harpyas, ad trucidandos aspectu
horrendos, nomine tristes, veneno lethales, illos inquam scelerum
olofagos exeat, negotium non sine Summi Pontificis obedientiæ
stimulis, injciunt. Venere illi supplices, suum suorumq; ciuium
nuntium explicauère. Diuum Præsulem ardentioribus votis ex-
peti, & Pragensi populo remitti petiere. Quid deinde? Miror
ADALBERTVM amore languidum & potentem, subli-
mem & modestum, victum & victorem, insuetumque charitatis
robur suspicio & maximè miror. Videte, videte precor verè ani-
mum Apostolicum, videte feruentem charitatem, videte solici-
tam curam Pastoris, pro grege suo reuocando. En pergit Diuus
Præsul, sed quò tandem? Pragam illam desertam & inutilem vi-
neam,

neam, vt exstirpet & plantet Domino. Quo Comite? Maximo; quia Cæsare verè Augusto Romanorum Otthone; O inuictum verè Præsulem, qui tantum sibi sumit pietatis, vt etiam occumbere pro ouibus properet! O egregium sanè Monarcham, quem ille optatus Sancti Præsulis nobilitauit affectus: dignum etiam gloriâ nunquam moriturâ; cui tam sanctus familiæ, itinerisq; adiungitur Comes: beatum deinceps; qui virum tantum, suo excipit cubiculo, suæ acceptat mensæ, suo adiungit lateri. Qui enim vel hoc ipso non fælix Cæsar? Vnus obtinuit, quem tota poposcit Bohemia, pro quo totus pugnavit orbis, cæli ipsi hunc eundem vindicabant. Et hic ego nolo ciuium, & totius Regni applausum recensere, dum reducem in Patria Principem, in Ecclesia Præsulem, in Religione vīdicem gratissimum, micissimum, fortissimum viderunt; volo aliquid dicere de eorum lætitiâ, dum medijs offusi tenebrarum caliginibus, subitam adspexere in Vrbe lucem. Profecto eratnè tūm tristis Cuius facies? squallebatnè Senatus? an equestris ordo lugebat? aut populus mæstus conspectum eius hilariter se se obuertentem deuitabat? Minimè verò. Tecta ipsa, parietes ipsi, priuatarum sacrarumque ædium, mirificè gestiebant: nec erat quisquam, qui non primò visendum, primò salutandum, primò complectendum percuperet Antistitem: omnes donaria, centus viuos, tripudia, gratulationes venienti obtulerent Præsuli. Verumenimverò, quid tam est firmum in semel procliu ad ruinam, cui non mox aliquid detrimenti accidat? quid in plebe varia, tam dignum, quod non citò nunc hâc, nunc illâc labe scat? quis demum tam constans, & rectus, cui non præua ex vsu, quàm tuta ex disciplina obuēniat via? Ruunt omnes in præcipitum & stultè; feruntur in biuium, & periculosè; accelerant ad interitum, & æternè, atque miserabiliter. Non tam illa fuit correctio diuturna, quàm licentiosior. Et enim dum S. Præsul cælestis gloriæ, per longas ærumnarum concertationes subeundas repandit coronas, illi vimine iam scelerum nexi, non se huic aptant, verum indignantur: ille virtutum studium suadet, isti turpitudinem amant: hic ieiunia, deuotiones, illi luxus, scurrilitates sectantur: demum contrarij omnibus, impatientes disciplinæ & monitorum, ad solitam redeunt quod aiunt farinam. O gentem perditam,

ditam, ô ingratos hominès! Concurrunt vndique, tumultuantur, & quod horrendum est, ac larga quærelæ materies, illam illam ipsam domus eius Augustissimam Prosapiam, illas illas ipsas R O S A R V M radices, illa illa ipsa C O M I T V M à L V B L I C Z decora; multo agmine furentium instructi, truculentissimè Diui Præsulis genuinos fratres cædunt, & vnà cum ciuitate funditus euerfa, omnem familiæ eius abolent delentq; memoriam: Sensit hunc D. Præsul dolorem, sed magis eorum deplorauit perditos animos. Audiūt hos rumores lugubres, sed tristis ob ciuium, non ob fratrum, parentauit exequias; atq; vt se immunem ab illa lue hominum præstitisset, Euangelij amore accensus, iam Hungariam, iam Poloniam, inuisit. Inuisit nè solùm? etiam docet; docet nè solùm? etiam tuetur; tuetur nè solùm? etiā amat: atq; ita plenus Spiritu Dei Vir, non primò hunc deserit agrum, quàm larga messis cælestis, vbertate eorum dico Regnorum horrea sæcundaret, & exsatiaret. Ita bene iam crescentibus fidei racemis, quas in Hungaria plantauerat, ad Regis Geizæ solium: virgultisq; in frondes cædentibus, nostram hanc quoque Patriam, (ne cum omnibus præsens nobis deesset) ingressus. Cracouiæ in Vrbe Metropoli, pietatis, & scientiarum Prytanæo acceptissimus Regi, Senatui, Clero, populoque, non Pragensis, verùm Gnesnensis salutatur Episcopus. Acceptauit Vir Sanctus excelsum hoc munus, plùs oneris & laboris, quàm quietis subiturus. Reperit fortassè strenuus ille Athleta Christi, nouella sementa fidei, à Regni iam adamata Proceribus, in deteriores abire casus. Reperit plùs fortassè, quàm Christianæ professioni libuit, luxui, ebrietati, & præstigiolorum nugis, plerosq; conatū adiecisse; imò cum licentiosa vita licentiosè, & cum libera liberè, in scelera iuisse. Multæ hinc erant scabrosæ conscientiæ, nisi nouis refricandæ virtutum monitionibus; plurimæ luxui deditæ animæ, nisi strictiori auocandæ disciplinâ: innumerales cupiditatum indulgere fomentis, nisi arctiori compesceretur repagulo. Enimverò quò maturati odoris ROSA, Diuus inquam A D A L B E R T V S, ad apricantes in meridie Diuini amoris radios, latè explicatis iam foliorum spatijs, in purpuratum descenderet colorem, imò & virorem. Prussiam vespertinis obrutam tenebris, & superstitionū alluie torpuisse audiens, Radzi-

no seu Gaudentio Ecclesiæ regendæ subornato, ipse Poloniæ
valedixit. Illi Poloniæ, cuius Primas, & Pastor fuerat, tam ac-
ceptus, quam augustus Valedixit Gnesnæ, illi Vrbi, in qua per
quinquennium & amplius, virtutum propugnacula, pietatis san-
ctæ delubra nidificauit, struxit: Ciues vrbis refertissimâ verita-
tis vbertate paut, sustinuit, educauit. Illam Gneznam, quam il-
le veluti alter Amphion, moribus rudiores, & vitâ morosiores, iâ
rectis operibus fide, iustitiâ, cicurauit, & sic in societatem Chri-
stianam reduxit, deserit: pauperes liberalis Patronus, fili-
os Pater, oues Pastor, Ecclesiam Antistes deserit. Et hinc annon
in diuersos singultus Polonia erumpebat quid censetis? An non
alta suspiria, de penetralibus pectorum, illi ipsi egeni quos ille men-
sa suâ reficiebat, pane alebat, enutriebat, manu propugnabat, e-
mittebant? Doluit Polonia ciuem suum, Optimates Principem,
Rex quem non sine magno nominis elogio, æquæ rerum præstantia
ac bellorū gloria æternus Boleslaus Chabri, reticere nequeo, Col-
legam & propugnaculum Regni doluit. Illi tamen gemitus, hæc
suspiria vberimis lachrymarum offusa guttis, illi dolores vniuersi,
obsequentissimæ plebis, amantissimorum ciuium, nequaquam D.
Præsulē retardarunt. Valedixit S. ADALBERTVS Polo-
niæ, valedixit ô dolorem! imò & in Prusiæ remotiores abiit oras:
Inuisit gentes illas moribus barbaras, multitudine infinitas, vitâ ef-
feratas, loco remotas, virtutum ofores, pietatis communisque
tranquillitatis perduelliones, veræ religionis hostes, tortoresq; exi-
tiales; quibus nulla lex foro, pietas tuta & pax nulla domi, nulla
societas vicinorum, probitatis nullus delectus: vbi omnia dira,
omnia rabida, perniciofa, & hostilia miscebantur, agitabantur.
Appulit inquam in illas orbis partes, quæ vix notam alicuius vir-
tutis conceperant Christianus Argonauta, opimus mercimonio-
rum cælestium: sed quid tandem gens scelestâ non patrat, imò ve-
rò, quid non feritas rabiosa attentat? truculētissimè ab eis exceptus,
& hostiliter tractatus. Vix enim de naui descenderat, vrgentibus
ab eo pecuniam nautis, cum se nihil nummorum habuisse, & pau-
perimum profiteri cepisset; intrâ scapulas remo vehementissimè i-
ctus, in terram decidit. Salutauit illa prima laborum suorum præ-
mia, illos inquam vibices, & concussiones durissimas à multis af-
fecta-

sectatas temporibus, an murmurauit? Altero comitatus socio,
urbem ipsam ingreditur: tum homines perciti in assueto habitu, &
tucullâ religioſâ abrepti in admirationem, quasi illi sint explorato-
res ad eos viſendos, vndique concurrunt, cateruatim. Quærun-
t qui ſint? cuius gentis? quâ mente? conditione? negotij & nomi-
nis. Tum illi ſe eſſe Chriſtianos profeſſione, Apoſtolos vocatione:
Sacerdotes & religioſos vitâ, animo cæleſtes, opere Diuini, qui
ſoli veræ fidei labarum, & Crucem IESV CHRISTI, vnius
Dei in Trinitate, & Trini in Vnitate gentibus ferant ac expan-
dant aſſeruere. Sed quis ad Cataracta Nili, auratâ Cytharâ
dulce reſonantem Orpheum audiſt? Quis in clangoribus, & ſibil-
lis Pythonum infernalium, cæleſtis philomelæ excepit cantus?
Quæ bellua ad Lernam impietatis natans, auream Demotheſis, a-
ut illius Hermetis Diuini affectauit & exaudiſt facundiam. Præ-
dicabant illi quidem gentibus ſcandalum, & impijs ſtultitiam.
Confundebantur illi nuntij æternæ pacis, ab illa eorum impietate.
Superſtitioſi & desperatæ audaciæ homines, in illo Idolorum cul-
tu aſſerebantur. Patriæ demolitores religionis, & expilatores re-
gnorum, in illo dæmoniorum cætu habebantur. Ac proinde, ex-
horreſcens ad primam illam viſionem ROSÆ fæditatis Sathan,
& prodromus impietatis Belial, cum ferre diutiùs nequiret fragrân-
tiam floris, euigilans nunc hos, nunc illos inquit modos, quibus
per laſonem Chriſtianum vellera illa ſanguine Dei irrorata, & ap-
pretiata, nunc vindicata, & è ſeruitute infernali erepta, ad ſe
rurſum tanquam mancipia peccati pertraheret. Ecce furentes
plebis impetus, & ab inferis Erynnes euocatas, ſatellitium impro-
bitatis, rabie, cæde, ſanguine liuidum, in D. emittit Præſulem.
Pellitur hic, raptatur, alter, vterque extrâ Urbem eijcitur: at-
non animo ſed corpore, non ſpiritu ſed viribus, impar extur-
batur. Magnum profeſſo & ſanctum, & Deo dignum ſpecta-
culum, inter mille corporis ærumnas, & diſpendia ſibi hærens ani-
mus Maius inter procellas furentis Orci, mens quieta: maximū
inter atrociffima ſcuientium odia, & ſupplicia, cruceſque, profu-
ſa in Deum ac proximos, charitas. Prussia ſanguine, & tumultu
ardet, at ille amore Euangelij, vt Prussia pacificet, nonne hic
robur eſt! Prussia cædibus plena diſtriſtos acinaces, in iugula ad

uenarum exacuit euibratque; at illi solidam patientiam Christi fidelibus, & amorem commendant, nonne exstimulaberis? Prussia tot infamis crudelitatibus, Sathanæ filia, Deo rebellis, fustes, clauos, lanceas, hospiti sancto congerit, at ille quo speciosior gentilitati appareat, iam habitum mutat, iam mores regionis sumit: his nè minimum consternatus, quæ ad contundendum animum inuecta, & inuenta sunt, omnia ad corporis cruciatum cessisse exposcit, quis ad tantos spiritus non stupefeat? Nimirum A. O. nisi benè tersa fuerit R O S A odorem suppressit, nec in cælestem Paradisum inserenda primò erat, quam depositis mortalitatis exuijs, Spiritus promptius, in odorem & holocaustum Deo ipsi obueniret. Dabat fortè tunc Athleta Christi fortissimus, propè oppidum sinus Venedici, quod Fischhausen Germanis est, sacrosanctis precibus operam: atque cum ille ardentiori spiritu, sublimia & Sanctissimæ Triadi notissima contempleretur mysteria, & ministeria, ô truculentiam! quinque præacutis ferro lanceis, Venerabilem transodiunt Virum. Nequaquam tamen, inter has dolorum acerbitates, venis iam cruorem stillantibus, concisisq; membris, paulatim cum sanguine vitâ defluente, flamma illa semel in pectore eius accensa, obtorpuit. Manebat illæsus animus: imò verius R O S A illa, de purpureo colore, in virorem mutabatur, spirans cælo odorem, stillans terræ cruorem. Manebat immota mens, nec trepidans S. Præsulis fides, erectus animus, contemptor mortis, sui victor: qui tot sibi ora ad Dei laudes celebrandas adijci putauit, quot erant in corpore vulnera, imò quod sanguinis stillicidia. In quem hoc illi carnifices poterant, quod aduersus solem nebulæ, contra Rosam sordes, contra flammam fumus. Concidebant illius sanctissima membra, illis ictibus iam debilitata. Lababatur corpus, pretiosum in terram, faucium, & vulneribus plenum: at Vir Sanctus, venerandos ad cælum erigens oculos, sciebat cui se crederet, cui animam dedicaret suam; hinc atque inde respiciens corporis membra dissolui, Cicatrices cruorem non primo comprimere, quàm spiritum remisissent: ipse suam, quam Deo vouerat, mirabatur patientiam. At enim truces illi lanienæ, vltra se uiunt. Faciunt plura manus quàm ferrum; detrahuntur trementibus velamenta membris, sacræ disrumpuntur vestes, raptatur gloriosum corpus,

pus, pugnīs excipitur, & ut graffaturas manus totum corpus admitteret, nudatur Viri sancti exantlata, & gloriosa macies, toto deinde tenditur loco, laceratur, conciditur, & in frustra minutissima secatur, ac in partes disijcitur. O insatiabiles sceleratorum, & sacrilegas manus! ô nunquam visum cælo facinus! Cur hæc impia hominum patraſti dextera? diris potiùs deuouenda, & cremanda ignibus? Cur hos scelestos non potiùs terra absorbuisti, quàm vidisti? Cùm sacrosanctum illud Martyris corpus ab impijs eorum gladijs non vindicaſti? Scilicet qui omnibus in vita indiuiduo lumine luxit, minutim sectus, tanquam radijs quibusdam colluſcentibus, ima quæque colluſtrare debuerat & poſt mortem. Tot enim erant ſoles, quot ſciſſuræ corporis, tot lucēs & ſtellæ, quot ſegmenta aut cruor perfudit, aut dolor vulnerauit. Ergò fortunatam mortem, ſi hæc mors dicenda eſt, quæ tanti triumphī cauſa extiterat: fragrantem Sarmatiæ Roſam, cuius partes dum diſcerptæ iacent, ſementum celeſte ne vulturibus pateat in eſcam, cælum binos, ac terra totidem prouidit alites. Non maculatur purpureus Roſæ iſtius flos, qui iam viſcere cæpit inſertus cæleſti paradyſo. Odor hic ita diſfuſus eſt, vt breuī vehementiſſimè Polonorum ora & pectora percelleret; quippè Poloniæ Procereſ Barbariæ adeunt Regem, etiam vel ære vel gladio vindicaturi, venarandum corpus. Annuīt ille, pecuniam poſcit; corpus ſanctum è terræ ruderibus effoditur, lanci appenditur, libratur, æſtimatur, & demùm quod ſine miraculo fieri neſas minimum appretiat; in Poloniam vnà cum Legatis accipitur. Ferebatur pretioſum pignus Poloniæ, & malim dicere vniuerſi Orbis Roſa & quidem vel ſtudijs vel humeris multorum; totq; erant ſepulchrâ mortuo, quot hominum pectora eius doctrina munda, & reſupina. Quanquàm non rectè vſus verbo ſum, quo me vos ipſi vti coegitiſti. Neque enim ei vnquam vllum ſepulchrum fieri poterat, cuius glorioſa immortalitas, cum Diuis cælitibus perennatura, iam abiuerat. Redibat triumphans Flos Roſarum in Poloniam, cuius erat vindex: veniebat Sacerdos in Eccleſiam, primò Tremefnam, deinde Gneſnam, cuius erat odor. Et tùm quos terra noſtra triumphos peregit? dum quem cum lachrymis dimiſerant, cum triumpho reducẽ ſalutant? quos concinnauit applauſus? dum quacunq; ſacra infe-

rebat^{ur} theca Reliquiarum, illac statim concurrentium populorum
multitudo, hanc pompæ & supplicationes deuotæ fundebantur:
quacunq^{ue} flos ille se se diuerterat, isthanc accensis cereis diuites vo
rornent, pauperes vt videant, morbidi vt sanentur effluxere: illi
modulationibus & hymnis, hi suspirijs, isti votis, aera replent. Cam
pos, agros, valles, siluas, ac eorum lucos, frequentibus exornant
concentibus. Stupet animus & lingua hæret; laborat posteritatis
fides vt credat; credite tamen vt extollat; extollit vt admiretur; ad
miratur vt videat; videt nec satis percipit. Quæ enim tam fa
cunda ingenij existere potest vbertas, quod tam Diuinum os, quod
non dicam narrare, sed leuiter percensere Diui Præfulis gloriam,
Poloniæ laudem, cælorum triumphum queat? Dicam vltra:
Felices vos & fortunatæ regiones, quas D. Poloniæ Archipræsul,
cælesti Euangelij luce solidauit, illustrauit. Felicia ac beata Re
gna, quæ Diuinam loquentem sapientiam, Apostoli istius audi
stis, & per eundem Athletam Christo vnita perennatis. Felices
Vrbes & ciuitates, quarum S. Præsul munitionem claris fultam
virtutibus, suscitauit, ornauit, roborauit. Felicia demum loca,
quæ hunc Magnum Gedeonem, fortissimè castra sua, contra vim
tumultuantis inferni metantem, disponentem, & demum cum his
ipsis furijs certantem vidistis, visum accepistis, acceptum asserua
stis, ita vt hunc nobis gloriosum redderetis. Felix tu imprimis Bo
hemia, quæ tam lucidum astrum, terrarum noctibus produxisti.
Felix Italia cui tu disciplinam religiosam, & ostia claustru aperuisti.
Felix Hungaria, quem tu vicinis asseruasti, Apostolum honorasti
docentem amasti, miraculis magnum notasti, vitâ sanctum appro
basti. Felix Polonia, quem tu extorrem è Patria Archiepiscopa
li mitrâ decorasti: à quo tu primum culta, primum edocta, polita,
coram gentibus robustissima bellatrix, & triumphatrix adoraris.
Felix & tu Prussia, cuius cruore primum tincta nobilior fuisti,
quam certè debuisti. Infelix tu Bohemia, cui toties illuisti,
quem tu spreuisti, dimisisti: hunc vtinam non sine magna cæterarū
gentium inuidia coluisses. Felix es iterum Polonia, ad cuius tu
sacros cineres, dum singultans illachrymaris, & amissum plangis
Præsulem, ab Otthone III. quo quid sub sole orbis poterat illustri
us videre? diademate & sceptro magnificè insignita, hunc primū
repe

peregrinum in Ecclesia Gnesnensi honorasti, & ad tumulum Sancti Præfulis salutasti. Homero quondam viro doctrinâ illustri, & verè sapienti, vt potirentur septem Græciæ vrbes famosissimæ, a-
ciem certaminis diducere non dubitarunt.

Smyrna, Rhodos, Colophon, Salamin, Joss, Argos, Athenæ.

Illum omnes ciuem suum esse fatentur, omnes eius natales ad se re-
ferri volunt, ex se lucem primam traxisse contendebant; quasi o-
mnium illa sola vrbs antecelleret gloriam, quæ tam magnum, &
clarum sapientiâ virum, è suis penatibus produxisset. Ne hic ita,
pro Diuo Archipræfulis corpore septem certare videntur vrbes: at
vniuersæ fermè regiones, regna etiam opulentissima, & populo-
sissimæ Dynastiæ. Nec iniuria certè. Omnibus enim in viuis fuit
D. Præsul, vniuersis idem & post mortem. Ita laborauit Bohe-
mia luxu, correxit hanc D. Præsul. Impugnabatur infidelitatis a-
gmine Hungaria, protexit hanc D. Adalbertus. Mollescebat de-
cliuus in vitia Polonia, restituit hanc rigori D. Archipræsul. Prus-
sia cæcutiebat, at tam speciosos viri sancti virtutum conatus, per-
unxit hanc sanguine D. Martyr. Atq; habet Bohemia, cur suum
dicat: habet Hungaria, cui suam subijciat gloriam, habet Polonia,
quæ suo adstipuletur Principi, & ei consecret victorias: habet
Prussia, à quo sua repetat suffragia. Sed parcite mihi ô regna! nec
tuus est Bohemia Adalbertus, qui pridem esse desijt tuus; imò tu
tuum esse noluisti. Nec tuus est Hungaria, cuius tu quidem do-
ctrinam seruasti; sed eheu ad luporum rictus, & vlulatus prostitui-
sti. Nec tuus est Prussia, cui tu pro dignis laborum aris, & præ-
mijs ferales, & sanguinolentas truculentissima iniecisti manus.
Tuus hic est ô Florentissima POLONIA Princeps, Tuus Præ-
sul est, tuus hic flos est, quem tu vlnis tuis excepisti, terræ tuæ man-
dasti, inseruisti, coluisti. Tibi lucent illa sydera præstantissima,
duo illæ mundi totius gemmæ Diuus ADALBERTVS &
GAUDENTIVS: tibi vigilant Astricæ illæ stellæ, excubantes
tunc, quando fessa corpori membra reficienda tradideris. Vobis
ô Magni Polorum, & Polonorum Proceres famulantur: pro vo-
bis pugnant: cum vobis triumphant. Vos digna ista præmia, tã-
quam à Paridè quondam adiudicata vni Dearū formosissimæ, per
Iouem immissum aureum pomum, tali prænotatum lemmate:

H

Detur

Detur pulcherrimæ. concernunt, ac spectant. Tu vnica pulcher-
rima es pietate intaminata, iustitia florens, victoria celebris, maie-
state amplissima, verbo dicam, centrum poli es, quo nomine à
Carolo Magno, verè Magno Principe Romanorum insignita Po-
lonia. Quod si verò cæteris inuida hæc vox est, prouocet de indi-
gnitate eius, & agant partes suas fortius, Regna quæq; nobilissi-
ma, & opulentissima. Triumphent sanè, de vbertate & fertili-
tate agrorum, aëris præstantia, virorū doctrina, cultu ac pietate. Ap-
pellent subtiliora iudicia, tanquam pro se dimicatura, suisq; parti-
bus proxima. Quæ vult Pragensis omnia dicat, & Bohemus omnia
sentiat, opponat, & diruat. minùs hæc ad nos, minùs ad gentis no-
stræ laudes, nihilum etiam discrimen iudicamus, censemur, experi-
mur. Illud illud certè capitale est eorum iactationi, illud ne fastum
Bohemix probum, quod cum glorientur de nobis erepto, nos cer-
tè de parto & asseruato S. Præsulis corpore gloriamur. Iactitet Pra-
ga furtiuas suas reliquias, si quas habet: ne hæc sola gloria felicior
nobis. Condemnata enim à viuis hominū sententijs, & tot grauif-
simorum virorum testimonijs deuicta, non se ampliùs his accingit
præsumptionibus. Glorietur illa de Ciue, & Episcopo, Prussia
de Martyre. En tuus o Polonia exercituum consolator, dubi-
tas? cum eo triumphatura, accurre tandem præ hostium iaculis &
cuspidibus. En inquam Rosarum flos & Princeps. Vereris?
Euigila tandem ad odorem virtutum eius. Euigila in vere tuo flo-
rescentis gloriæ, solennia vota & suspiria concinne. Quid velint
flores & acerra thuris plena, miraris? Cōpositum ius, fasq; animi,
sanctosq; recessus. Quid dies festiua iubeat? quæris? Cin-

ge comam viridi & iunge tem-
pori ROSAS.

D I X I.

Sapientiam Sanctorum narrent populi,
& laudes eorum nunciet Ecclesia. *Ecl. 45.*



er.
ie-
ca
o-
di-
si-
p-
ti-
ia
o-
ri-
m
er-
a-
or
if-
ic
ia
i-
X
s?
o-
ne
i,

i,

